

AUGLÝSING

um gjaldskrá fyrir þjónustu Loftferðaeftirlits flugmálastjórnar.

1. Skoðunargjöld loftfara.

- 1.1. Skoðunargjöld vegna skrásetningar eða ársskoðunar loftfara miðast við skráðan hámarks-flugtaksþunga þeirra.
- 1.2. Fyrir þylur og flugvélar allt að 5700 kg að þyngd greiðast kr. 6.00 fyrir hvert kg, en lágmarksgjald er kr. 6 000.00.
- 1.3. Fyrir flugvélar yfir 5700 kg að þyngd greiðast kr. 50 000.00 að viðbættum kr. 1.20 fyrir hvert kg.
- 1.4. Fari skoðun fram erlendis greiðast enn fremur fargjöld skoðunarmanns og dagpeningar samkvæmt kjarasamningi starfsmanna ríkisins.

2. Skirteinisgjöld flugliða.

- 2.1. Fyrir skrifleg og verkleg prófskirteini flugliða greiðast eftirfarandi prófgjöld:

	Skriflegt próf	Verklegt próf
Flugnemi	kr. 1 000	kr. 2 000
Einkaflugmaður	— 4 000	— 3 000
Atvinnuflugmaður	— 6 000	— 3 000
Atvinnuflugmaður m.m. prófi	— 8 000	— 4 000
Blindflugsréttindi	— 6 000	— 4 000
Flugkennararéttindi	— 5 000	— 3 000
Loftsiglingafræðingur	— 8 000	
Flugumsjónarmaður	— 8 000	
Flugvélavirki (tegundarréttindi)	— 2 000	

- 2.2. Við endurnýjun skirteinis greiðast kr. 1 000.00.

3. Almenn ákvæði.

- 3.1. Gjöld fyrir verkleg próf skirteinis flugliða greiðast til prófdómara. Önnur gjöld greiðast hjá gjaldkera flugmálastjórnar Reykjavíkurflugvelli.

Gjaldskrá þessi, sem sett er samkvæmt lögum um loftferðir nr. 34 21. maí 1964, staðfestist hér með til að öðlast gildi 1. janúar 1978 og birtist til eftirbreytni öllum þeim, sem hlut eiga að máli.

Jafnframt fellur úr gildi auglýsing nr. 167 25. mars 1977, um sama efni.

Samgönguráðuneytið, 22. desember 1977.

Halldór E. Sigurðsson.

Birgir Guðjónsson.

22. desember 1977.

Nr. 448.

GJALDSKRÁ

fyrir afnot flugvalla.

1. Gildissvið.

- 1.1. Gjaldskrá þessi gildir fyrir afnot flugvalla á Íslandi, annarra en Keflavíkur-flugvallar.

- 1.2. Gjöld fyrir millilandaflug verða innheimt fyrir afnot flugvallanna við Akureyri, Egilsstaði, Hornafjörð, Reykjavík og Sauðárkrók.
- 1.3. Gjöld fyrir innanlandsflug verða innheimt fyrir afnot flugvallanna við Akureyri, Egilsstaði, Hornafjörð, Húsavík, Ísafjörð, Patreksfjörð, Reykjavík, Sauðárkrók og Vestmannaeyjar.

2. Lendingargjald.

- 2.1. Fyrir hverja skráða landingu loftfars í millilandaflugi á flugvöllum, sem upp eru taldir í gr. 1.2., skal greiða gjald samsvarandi 4.00 Bandaríkjadöllum fyrir hver byrjuð 1000 kg af þunga þess.
- 2.2. Fyrir hverja skráða landingu loftfars í innanlandsflugi á flugvöllum, sem upp eru taldir í gr. 1.3., skal greiða kr. 200.00 fyrir hver byrjuð 1000 kg af þunga þess.
- 2.3. Fyrir notkun flugvallar utan auglýsts þjónustutíma er innheimt tvöfalt lendingargjald, og er lágmarksgjald þá kr. 3 000.00.

3. Stæðisgjald.

- 3.1. Stæðisgjald er ekkert fyrir fyrstu 6 klst.
- 3.2. Fyrir næstu 24 klst., eða brot þar af, skal fyrir loftfar í millilandaflugi greitt stæðisgjald samsvarandi 1.00 Bandaríkjadöllum fyrir hver byrjuð 1000 kg af þunga þess.

4. Undanþágur.

Eftirfarandi undanþágur eru veittar frá landingar- og stæðisgjöldum:

- 4.1. Loftför í sjúkraflugi eða leitar- og björgunarflugi.
- 4.2. Loftför, sem verða að snúa við til brottfararflugvallar vegna veðurs eða annarra orsaka.
- 4.3. Loftför, sem lenda eftir að hafa farið prófflug eftir viðgerð, enda hafi ekki verið lent á öðrum flugvelli.
- 4.4. Loftför, sem eingöngu flytja erlenda þjóðhöfðingja eða aðalframkvæmdastjóra Sameinuðu þjóðanna og fylgdarlið þeirra.
- 4.5. Eins-hreyfils loftför í innanlandsflugi, sem ekki hafa skráð fleiri en fjögur sæti.
- 4.6. Loftför í eigu íslenska ríkisins eða eru rekin af því.
- 4.7. Að öðru leyti er flugmálastjórn heimilt að fella niður landingar- og stæðisgjöld, þegar sérstaklega stendur á.

5. Þjónustugjald.

- 5.1. Heimilt er að innheimta þjónustugjald af loftförum í millilandaflugi samkvæmt gjaldskrá staðfestri af samgönguráðuneyti.
- 5.2. Sé þjónustugjald ekki innheimt af flugmálastjórn, skal það greitt til félags, sem hlotið hefur heimild flugmálastjórnar til að annast þjónustu við loftför í millilandaflugi.

6. Eldsneytisgjald.

- 6.1. Af öllu eldsneyti, sem ætlað er til notkunar í innanlandsflugi, skal greiða flugmálastjórn gjald sem hér segir:

- a) Flugbensín kr. 1.40 á hvern lítra.
- b) Potueldsneyti — 1.00 á hvern lítra.

- 6.2. Gjald þetta greiðir hlutaðeigandi olíufélag mánaðarlega til flugmálastjórnar.

7. Flugskýlisgjald.

- 7.1. Fyrir afnot flugskýlis á vegum flugmálastjórnar skal greiða eftirfarandi leigugjöld fyrir hver byrjuð 1000 kg af þunga loftfarsins:
- a) Innanlandsflug: Kr. 200.00 fyrir hvern byrjaðan sólarhring eða kr. 3 000.00 á mánuði.
 - b) Millilandaflug: samsvarandi 2.60 Bandaríkjadöllum fyrir hvern byrjaðan sólarhring.
- 7.2. Flugskýlisgjöld samkvæmt gr. 7.1. miðast við óupphituð flugskýli. Sé flugskýli upphitað er hitunarkostnaður innheimtur sérstaklega.
- 7.3. Fyrir afnot heilla flugskýla eða tiltekinna hluta þeirra, svo og fyrir afnot annarra bygginga og lóða á vegum flugmálastjórnar, skal greiða leigugjöld samkvæmt leigusamningi milli flugmálastjórnar og leigutaka. Upphæð leigugjalda skal almennt við það miðuð að þau standi straum af tilkostnaði flugmálastjórnar við umrædd mannvirki.

8. Almenn ákvæði.

- 8.1. Þar sem getið er um þunga loftfars er átt við leyfilegan hámarkspunga þess eins og hann er skráður í lofthæfisskírteinið.
- 8.2. Gjöld sem ekki eru staðgreidd, verða innheimt með útsendingu reikninga eða giróseðla. Greiðslu ber að inna af hendi innan 30 daga frá útsendingardegi reiknings eða giróseðils. Verði gjöld ekki greidd á gjalddaga er flugmálastjórn heimilt að stöðva notkun loftfara hlutaðeigandi flugrekanda.

9. Gildistaka.

- 9.1. Gjaldskrá þessi sem sett er samkvæmt 78. gr. laga um loftferðir nr. 34/1964, staðfestist hér með til að öðlast gildi 1. janúar 1978 og birtist til eftirbreytni öllum þeim sem hlut eiga að máli. Jafnframt er felld úr gildi gjaldskrá nr. 129 28. febrúar 1977 um sama efni.

Samgönguráðuneytið, 22. desember 1977.

Halldór E. Sigurðsson.

Birgir Guðjónsson.

23. desember 1977.

Nr. 449.

G J A L D S K R Á

fyrir Keflavíkurflugvöll.

1. Gildissvið.

- 1.1 Gjaldskrá þessi gildir fyrir afnot loftfara í millilandaflugi af Keflavíkurflugvelli.

2. Lendingargjald.

- 2.1 Fyrir hverja skráða landingu loftfars skal greiða gjald samsvarandi US\$ 4,00 fyrir hver byrjuð 1000 kg af þunga þess.

3. Stæðisgjald.

- 3.1 Stæðisgjald er ekkert fyrir fyrstu 6 klst.
- 3.2 Fyrir næstu 24 klst., eða brot þar af, skal greitt stæðisgjald samsvarandi US\$ 0,12 fyrir hver byrjuð 1000 kg af þunga loftfarsins.